

Na osnovu člana 16.stav 4. Zakona o Vladi Zeničko-dobojskog kantona-Prečišćen tekst ("Službene novine Zeničko-dobojskog kantona", broj 7/10) na prijedlog Ministarstva za boračka pitanja, Vlada Zeničko-dobojskog kantona, a na 121. sjednici, održanoj dana 21.08.2013.godine, donosi

ZAKLJUČAK

I.

Prihvata se Informacija o naknadi troškova liječenja i nabavke lijekova za potrebe branilaca i članova njihovih porodica u 2012. godini, Ministarstva za boračka pitanja, kao obrađivača.

II.

Informacija iz tačke I. ovog zaključka upućuje se Skupštini Zeničko-dobojskog kantona radi upoznavanja.

III.

Zaključak stupa na snagu danom donošenja.

Broj: 02-_____/13.

Datum, 21.08.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za boračka pitanja,
1x Skupština Zeničko-dobojskog kantona,
1x a/a.

Bosna i Hercegovina
Federacija Bosna i Hercegovina
Zeničko-dobojski kanton
MINISTARSTVO ZA BORAČKA PITANJA

I N F O R M A C I J A

o naknadi troškova liječenja i nabavke lijekova
za potrebe branilaca i članova njihovih porodica u 2012. godini

Zenica, februar 2013.godine

I Uvod

Zdravstvena zaštita građana, u smislu važećih zakonskih propisa podrazumijeva skup mjera, aktivnosti i postupaka na unapređenju prava na život, očuvanju i poboljšanju zdravlja ljudi, koje poduzima Federacija Bosne i Hercegovine, kantoni, općine, zdravstvene ustanove, kao i druga pravna lica i građani. Svi subjekti u tom smislu, dužni su osigurati i obezbjediti organizovanje i provođenje zdravstvene zaštite u skladu sa važećim zakonskim propisima.

Posebna je obaveza i dug Kantona i općina u obezbjeđenju kvalitetne zdravstvene zaštite branilaca i članova njihovih porodica, koji su svojom hrabrošću i patriotizmom odbranili tekovine i cjelovitost države Bosne i Hercegovine, od kojih su mnogi dali i svoje živote za bolji, humaniji i čovječniji život budućih generacija.

Na području ZE-DO kantona Zakonom o dopunskim pravima branilaca i članova njihovih porodica ("Službene novine ZE-DO kantona" br. 6/06,9/07), Zakonom o izmjenama i dopunama Zakona o dopunskim pravima branilaca i članova njihovih porodica braniocima i članovima njihovih porodica ("Službene novine ZE-DO kantona" br. 18/12), pored ostali dopunskih prava, osigurana je i realizacija prava na zdravstvenu zaštitu iz obaveznog zdravstvenog osiguranja, saglasno odredbama Zakona o zdravstvenoj zaštiti ("Sl. novine FBiH" br. 46/10) i Zakona o zdravstvenom osiguranju ("Službene novine Federacije BiH" br. 30/97,7/02, 70/08 i 48/11) ukoliko to pravo ne mogu ostvariti po drugom osnovu.

Navedenim propisom, pored ostalog, posebno se reguliše prošireni obim prava iz oblasti zdravstvene zaštite branilaca i članova njihovih porodica, kao i osiguranje potrebnih lijekova i sanitetskog materijala za liječenje rana i povreda posljedično vezanih za učešće u ratu, što je i predmet ove informacije.

Ostvarivanje naprijed navedenih prava posebnim propisom utvrđuje, odnosno utvrdila je Skupština Zeničko-dobojskog kantona.

II Normativna regulativa

Ustavom Federacije BiH propisano je donošenje propisa o ostvarivanju prava iz oblasti zdravstvene zaštite za branioce i članove njihovih porodica u nadležnosti Federacije i Kantona.

Pravo iz oblasti zdravstvene zaštite branilaca i članova njihovih porodica regulisano je federalnim i kantonalnim propisima i to:

- član 7. Zakona o pravima branilaca i članova njihovih porodica ("Službene novine Federacije BiH" br. 33/04 i 56/05);

-odjeljak A. Zdravstvena zaštita, član 6. ostvarivanje prava- stav 1., 2. i 3. Zakona o dopunskim pravima branilaca i članova njihovih porodica ("Službene novine Zeničko-dobojskog kantona br. 6/06 i 9/07.), član 6. Zakonom o izmjenama i dopunama Zakona o dopunskim pravima branilaca i članova njihovih porodica braniocima i članovima njihovih porodica ("Službene novine ZE-DO kantona" br. 18/12);

-odjeljak A., B. I C. Odluke o proširenom obimu prava iz oblasti zdravstvene zaštite za branioce i članove njihovih porodica ("Službene novine Zeničko-dobojskog kantona" br. 3/08);

-Programom utroška sredstava Budžeta Zeničko-dobojskog kantona za 2012. godinu u razdjelu 24, budžetska organizacija 01, potrošačka jedinica 0001, ekonomski kod 614200- "Grantovi pojedincima" subanalitika-OAD 214" Pomoć za liječenje i nabavku lijekova" (u daljem tekstu: Program utroška) za navedenu namjenu planirana su sredstva u ukupnom iznosu od 404.000,00 KM, odnosno rebalansom budžeta objavljenom u ("Sl. novinama ZDK", broj: 17/12) ista su uvećana su na iznos od 454.000,00 KM .

III Odluka o proširenom obimu prava iz oblasti zdravstvene zaštite za branioce i članove njihovih porodica –realizacija prava u 2012. godini

Odlukom o proširenom obimu prava iz oblasti zdravstvene zaštite za branioce i članove njihovih porodica ("Službene novine Zeničko-dobojskog kantona" br. 3/08), (u daljem tekstu:

Odluka), kao podzakonskim aktom utvrđen je prošireni obim prava iz oblasti zdravstvene zaštite, uvjeti, način i postupak za ostvarivanje istih za branioce i članove njihovih porodica koji imaju prebivalište na području Zeničko-dobojskog kantona, kao i povratnike u Republiku Srpsku koji ostvaruju osnovna prava iz branilačko-invalidske zaštite u općinama Kantona ili koji su na evidenciji nadležnog organa za vojne evidencije u općinama Kantona.

Prava po Odluci

Prošireni obim prava iz zdravstvene zaštite po ovoj Odluci odnosi se na:

- a) Zdravstveno osiguranje;
- b) Nabavku ortopedskih i drugih pomagala i njihovu opravku;
- c) Liječenje i nabavku lijekova.

Sadržina prava –liječenje i nabavka lijekova

Branioци i članovi njihovih porodica u skladu sa ovom Odlukom ostvaruju pravo na novčanu pomoć pod uvjetom da imaju prebivalište ili boravište na području Kantona u trajanju od najmanje 24 mjeseca (osim povratnika u Republiku Srpsku), da postoje evidentni troškovi liječenja i kupovine ordiniranih lijekova koji nisu na esencijalnoj listi, te da u toku tekuće godine nisu primili ovaj oblik pomoći za liječenje istog oboljenja (osim u slučajevima prioriteta za odobravanje sredstava) u svrhu:

a) naknade troškova specijalističkih pregleda, nabavke lijekova i sanitetskog materijala za potrebe ratnih vojnih invalida u cilju liječenja rana i povreda posljedično vezanih za učešće u ratu;

b) liječenje i nabavka lijekova za potrebe branilaca i članova njihovih porodica-korisnici prava iz člana 2., 3. i 4. Odluke i članova njihovih porodica;

Napominjemo, da se shodno članu 14. Odluke pod troškovima liječenja podrazumijevaju i troškovi prevoza veći od 50,00 KM ostvareni u jednom mjesecu, pri čemu se visina novčane pomoći cijeni kroz broj odlazaka u zdravstvenu ustanovu u određenom vremenskom periodu.

Korisnici prava

Korisnici prava utvrđeni su članom 2. Odluke, a to su: dobitnici ratnih priznanja ili odlikovanja, ratni vojni invalidi, demobilizirani branioци, članovi porodice šehida, poginulih, umrlih i nestalih branilaca, umrlih ratnih vojnih invalida i umrlih demobiliziranih branilaca i članovi uže porodice poginulih, umrlih ili nestalih dobitnika ratnog priznanja ili odlikovanja, te članom 3. i 4. predmetne Odluke, kojim su definisani pojmovi i definicije iz ove Odluke, kao i posebni korisnici prava, pod uvjetom da su na evidenciji Službe za zapošljavanje.

Podnošenje zahtjeva

Zahtjev za ostvarivanje prava podnosi se općinskoj službi nadležnoj za poslove branilačko-invalidske zaštite zajedno sa nalazom nadležne zdravstvene ustanove, odnosno ljekara specijaliste i drugim dokazima iz kojih je vidljiva opravdanost zahtjeva na obrazcu koji je propisalo Ministarstvo uz koji se obavezno prilaže i dokaz o statusu branioца i člana njegove porodice i fotokopija lične karte .

Postupak po zahtjevu

U postupku po zahtjevu općinska služba kojoj je podnesen zahtjev za ostvarivanje prava na novčanu pomoć po ovoj Odluci dužna je u roku od sedam dana od dana podnošenja zahtjeva utvrditi kompletnost podnesene dokumentacije i zahtjevati otklanjanje uočenih nedostataka i eventualnu dopunu dokumentacije, u slučaju potrebe izvršiti neposredan uviđaj u stvarima iz zahtjeva, sačiniti izvještaj o socijalno-ekonomskoj situaciji podnosioca zahtjeva, te sačiniti obrazložen prijedlog o visini novčane pomoći ili odbijanju zahtjeva i isti sa kompletnom dokumentacijom dostaviti Ministarstvu. U postupku po zahtjevu općinska služba donosi rješenje o odobravanju pomoći ili odbijanju zahtjeva, a o žalbi na prvostepeno rješenje rješava Ministarstvo.

Odobrovanje sredstava

Prilikom odobravanja sredstava za liječenje vodi se računa o socijalno-ekonomskom statusu podnosioca zahtjeva, težini i prirodi bolesti, visini potrebnih sredstava, hitnosti slučaja, kao i broju podnesenih zahtjeva. Prioritet za odobravanje sredstava imaju slučajevi iz člana 13. tačka a) Odluke, odnosno naknade troškova specijalističkih pregleda, nabavke lijekova i sanitetskog materijala za potrebe ratnih vojnih invalida u cilju liječenja rana i povreda posljedično vezanih za učešće u ratu, kao i slučajevi teških oboljenja (akutna tuberkuloza, maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt-srčani i moždani, oboljenja mišićnog sistema, paralize i druga teška oboljenja). Odlukom je utvrđena i mogućnost da se pomoć u liječenju i kupovini lijekova u izuzetnim slučajevima može osigurati i na drugi način, kroz izravnu nabavku odgovarajućih lijekova ili plaćanje zdravstvenih usluga.

O dodjela sredstava po podnesenim zahtjevima u pojedinačnim iznosima koji ne prelaze iznos od 1.000,00 KM odlučuje Ministar, a na osnovu prijedloga tročlane komisije Ministarstva. Zaključak o dodjeli sredstava u iznosu većem od 1.000,00 KM na obrazložen prijedlog Ministra donosi Vlada Kantona. U 2012. godini zaključkom Vlade Kantona za liječenje van ZE-DO kantona za slučajeve teških oboljenja, koji podrazumijevaju prioritete po članu 24. stav 2. Odluke odobrena je novčana pomoć u svrhu liječenja za tri branioca.

IV Tabela pregled podnesenih zahtjeva


Općinske službe za branilačko-invalidsku zaštitu u protekloj budžetskoj godini zaprimile su i Ministarstvu prosljedile na dalje rješavanje ukupno **1.479 zahtjeva** od čega je pozitivno rješeno-odobrena novčana pomoći u svrhu liječenja i nabavke lijekova za ukupno **1167**, a **204** podnesena zahtjeva je odbijeno. Komisija Ministarstva je shodno članu 23. stav 3. Odluke vratila i tražila dopune za ukupno-**108 zahtjeva** (predmeti sa priloženom nepotpunom dok.-npr. med. dok., troškovima liječenja i kupovine ord. lijekova, te ostalom potrebnom dok.).

U strukturi korisnika po podnesenim zahtjevima, koji su ostvarili pravo na novčanu po Odluci od **1167** odobrena zahtjeva: **790** su iz kategorije demobiliziranih branilaca i članova njihovih porodica, te članova porodice umrlih DB, dobitnika ratnih priznanja ili odlikovanja i članova uže porodice poginulih, umrlih ili nestalih DRP ili odlikovanja **127** iz kategorije članova porodice šehida, poginulih, umrlih i nestalih branilaca, a **250** iz kategorije ratnih vojnih invalida, te članova porodica umrlih ratnih vojnih invalida.

Za realizaciju ovog vida dopunskog prava u 2012. budžetskoj godini prema raspoloživim sredstvima za navedenu namjenu iz Budžeta ZDK sa pozicije Ministarstva za navedenu namjenu utrošena su novčana sredstva u ukupnom iznosu od **416.400,00 KM**, a struktura odobrenih i uplaćenih novčanih sredstava na navedenu namjenu po općinama Kantona je u tabeli i dijagramu u nastavku:

Općina	Br. podnešenih zahtjeva	Br. odobr. pomoći	Br. odbijen. zahtjeva sa dopunama	Broj odobrenih pomoći po kategorijama			Utrošeno (KM)
				DB	PPB	RVI	
Breza	37	31	1+1	19	4	8	13.250,00
Doboj Jug	52	43	3+6	28	10	5	18.750,00
Kakanj	70	57	9+4	42	7	8	24.950,00
Maglaj	181	133	32+16	92	11	30	36.600,00
Olovo	49	34	7+8	25	5	4	11.450,00
Tešanj	189	154	22+13	123	7	24	55.000,00
Vareš	24	23	1	13	1	9	12.400,00
Visoko	126	99	17+10	63	14	22	38.400,00
Zavidovići	207	177	22+8	117	19	41	51.550,00
Zenica	423	323	68+32	208	39	76	106.750,00
Usora	1	1	0	1	0	0	5.000,00
Žepče	120	92	22+6	59	10	23	42.300,00

UKUPNO	1479	1167	204+108	790	127	250	416.400,00
U %	100 %	79%	13%+8,0%	67,69%	10,88 %	21,42 %	100%



V Zaključna razmatranja

Evidentno je povećanje broja podnesenih zahtjeva, a time i broja ostvarenih prava na ovaj vid pomoći u odnosu na 2011. godinu (u 2011. godini **podneseno je ukupno 1182 zahtjeva**, a **odobreno pomoći za 906 korisnika**, dok je a u protekloj **2012. godini podneseno ukupno-1479 zahtjeva**, a **odobreno 1167 zahtjeva**). Činjenica je da je to nesporno i pokazatelj povećanja broja oboljelih branilaca i članova njihovih porodica, kojima je **ovaj vid pomoći nužna potreba**, jer dio potrebnih zdravstvenih usluga u liječenju i troškovima liječenja i kupovini ordiniranih lijekova koji nisu na esencijalnoj listi ne ide na teret sredstava obaveznog zdravstvenog osiguranja.

U strukturi oboljenja po podnesenim zahtjevima evidentno je povećanje slučajeva teških oboljenja kao što su maligna oboljenja, oboljenja centralnog nervnog sistema, hirurške intervencije na srcu i mozgu, infarkt-srčani i moždani, oboljenja mišićnog sistema i druga teška oboljenja. Uz to treba istaći i sve veći broj oboljenja pripadnika ove populacije liječenih na psihijatriji sa utvrđenom dg – raznih oblika psihoza, psihotičnih stanja, PTSP-ija sa uzročno-posljedičnom vezom učešća u ratu, kojima je neophodna pomoć psihijatarata i psihologa, te oboljenja ratnih vojnih invalida u cilju liječenja rana i povreda, takođe posljedično vezanih za učešće u ratu. Posebna pažnja i akcent u postupku odlučivanja pridavana je upravo takvim vrstama zahtjeva, što će biti praksa i ubuduće, mišljena smo s punim pravom i opravdanjem. Pored toga, evidentno je i povećanje broj branilaca i članova njihovih porodica kojima je potrebo liječenje u zdravstvenim ustanovama van Kantona i van Bosne i Hercegovine, a prema preporukama i nalazima ljekara specijalista, odnosno konzilija kliničkih centara da takvo liječenje nije moguće obaviti u BiH što iziskuje dodatne troškove, kao i nabavka i kupovina propisanih terapija, odnosno lijekova koji nisu na esencijalnoj listi lijekova ili iziskuju veća novčana sredstva za participaciju u nabavci istih.

Činjenica je da troškovi liječenja i nabavke lijekova u tom smislu iziskuje dodatne troškove i još više otežavaju ionako težak socijalno-ekonomski položaj branilaca i članova njihovih porodica. Imajući u vidu navedeno, nesporno se može zaključiti da sredstva planirana u Budžetu Zeničko-dobojskog kantona na poziciji Ministarstva za boračka pitanja OAD 214" Pomoć za liječenje i nabavku lijekova" namjenjena za realizaciju ovog vida dopunskog prava **treba da budu prioritet i ubuduće**, kako bi i na ovaj način doprinjeli unapređenju, očuvanju i poboljšanju evidentno narušenog zdravlja branilaca i članova njihovih porodica, spasili život, pomogli u liječenju i nabavci lijekova, posebno za teška i neizlječiva oboljenja. To je naša dužnost i zakonska obaveza, koja im pripada i koju smo im u obavezi pružiti.

MINISTAR
Nedžad Lokmić